

四庫全書

集部

欽定四庫全書

集部

御製詩二集卷十九

詳校官尚書臣德保

助教臣常循覆勘

總校官原任中允臣王燕緒

校對官助教臣蔡鎮

膳錄監生臣戴天民

欽定四庫全書

御製詩二集卷九

古今體八十二首

己巳二

侍郎沈德潛予告南還進呈紀恩四律依韻賜之

已過花甲舉春官玉署皤皤冰雪顏道在心期耽素帙

老來歸計指青山烟波應共聞琴鶴詠賦休疎馳字鷗

命德潛有所著  
作許家京星覽高尚特教還故國清標終惜去朝班

年來朝夕值書廬兎革詩文啟廸餘故事舊傳榮祖帳

鄉風好在足尊魚靈後藥劑供延壽賜帛衣裁稱遂初

德潛將行賜  
之人後宮帛爾自一舟歸浩蕩望窮潞水暮川虛

君職臣司祇一欽得將餘事寄賡吟笈予結習多難遣

嘉汝臨文不忘箴欲擬元音崇淡泊相商時調去艱深

近稿曾命  
德潛校正此行試問生涯處香水寒山適靜惛

林下優遊樂辟蘿依依老景任婆婆善教故里成通德

詎止幽人詠碩邁儘有烟霞為供養正賒歲月入謳歌

許卿望九還康健祝壽重来拜玉坡

常雩禮成敬述

載舉常雩祀

泰圓春霖早慶遍公田更因霑霑求優渥敢恃

帡幪弛敬虔樂具卿雲扶瑞日禮成和氣散祥烟

南郊近日邀

殊眎果得膚功定蜀川

上年十一月二日冬至有事於南郊即於次日命經略大

學士傅恒啟行纔屆兩月金川平定奏凱班師實邀上天福佑云

清和

清和天氣佳膏澤遠邇逮二麥既望秋禾黍亦均藝往年春苦旱愁雨都成例今歲何厚幸優渥霑

天惠淡蕩天宇明極目空澄際時縱作微風風止無塵翳予心以稍慰庶政籌次第况復息兵戎來格服  
番裔賢輔日贊襄庶明職交勵永維保泰機乾勉持  
盈計

芍藥

墨辛夷開香滿庭井欄底用護花鈴東風却未曾吹得

欲擷芳菲意轉停

御花園古柏行

摘蔕堂邊一株柏根盤厚地枝挐天八千春秋僅傳說  
厥壽少當四百年御園松柏森森列居然巨擘標蒼顏  
粗皮礧兀心不死倚壁如拍洪崖肩左日右月為兩目  
春草秋花叅四禪仙人煉氣不煉肉形若槁木神乃全  
昔者公旦象六爻是為九二見在田又如瑤池會王母  
赤松子應領羣仙韋偃直榦不可得而今誰者以神傳

洪宣承平此曾閱甲申桑海無還丹喬木頗與世臣類  
作歌詎止斐鴻篇

題褚摹蘭亭卷

登善當時司檢校韓馮摹本反無真

米黻跋蘭亭帖云唐太宗既獲此書

使馮承素韓道政之流摹賜王公褚遂良時為起居郎蓋檢校而已

因知直道在千古非

以其書究以人

黃公望秋峰聳秀小幅

峰峻水潺湲精藍樹欲殷津塗銀峽口磴道白雲間四



序原無住山僧只自閒  
香光正法眼粉本認虞山

浴佛日漫作

庭槐嘉蔭綠婆娑  
雨足郊原樂事多  
愁喜幻緣都遣盡  
閒情贏得閱清和

詠玉爐

伊誰割璞為磨鍤  
蟠夔直紋制從周  
博山應薄遺炎劉  
肯教甲煎豔香留  
寶茲韞德兼剛柔  
虹光十丈屋梁浮  
題王羲之七月都下二帖真蹟卷

墨蹟與鈎櫨品如形影分千秋賞鑒家聚訟徒紛紛二  
帖名久羶片羽真不真貞觀暨紹興小璽大如新聊當  
面目觀還輕耳食倫

玉甕為金元舊物嗣淪沒古剎中以貯菜齋後購  
得仍於承光殿前為起一小亭置之並命內廷  
翰林等各賦一詩即刻於楹柱偶幸承光殿復  
成是篇

幾年蕭寺伴寒壅仍置承光煥彩霓夢覺金源成故蹟

聲騰玉署艷新題若為巧合延津畔竟得天全露掌西  
松杪照來千載月夜涼依舊景淒淒

金川納降奏凱悉由

聖母慈訓既敬上

徽稱以崇鉅典并遵

懿旨冊封攝六宮事皇貴妃慶禮既成迴憶往事輒益

惘然

番服徠柔奏凱旋更欣春雨遍公田深叨

慈訓遐荒定敬奉

鴻稱鉅典傳和衆安民常切切持盈保泰益乾乾六宮  
此日添新慶翻惹無端意惘然

首夏幸圓明園西直門外即目三首

鳴梢曉日鳳城西潤逼郊原綠意齊魚海洗兵蓬苑麗  
清和景物待新題

嘉禾入夏麥臨秋接葉陰中喚雨鳩敢懈宵衣并盱食  
詎圖後樂祇先憂

來往蘭衢每問農為生慶慰為無悰麥芒潤露桑陰滿  
此景常年得未逢

首夏奉

皇太后御園行樂之作

人事天時兩相諧御園行樂豫

慈懷春歸花木猶饒麗雨後池亭是處佳魚織錦紋浮  
翠浪鳥鳴仙樂下瑤階雲牋玉几纔堪對急管繁絃概  
可排

饒麥

夏至麥方秋今年麥秋早胡先半月期都為春雨好較  
晴量雨久頗悉農之道朝來膳碾飴翠滑供快飽底須  
以蔬嘗土物甘為寶更喜青齊間普豐賴天造諸事遂  
敢矜一心敬常保

雨

四月十八日

今年春雨佳二麥茂青穠下稻暨高黍次第種已概入  
夏乃逾旬望雨恰厪意欲速縱所戒先憂頗難置十四

年此心始終無或易

叶

夜來雷雨作時止時而細詰旦

始沛然根茲潤胥逮來牟固有秋百穀暢生遂洗兵天

意諧息事人心契自願德誠涼詎致諸祥萃永奉四字

訓敬天勤民寶

皇祖

皇考所用  
昭

時康敢自

恣

### 青龍橋西

孟夏景宣暢駕言臨靜宜宿雨清蹕塵策騎石橋西麥  
隴與黍田綠意懷新齊此道屢曾經穡事春秋咨北方

例春旱大田每如期昨秋及前歲西成已幸而今乃並  
麥收餅餌足無疑况復百穀類怒生總離離十年曾罕  
逢一旦乃遇之覩茲那無慰既慰繼以思持盈守乾惕  
究鮮歡豫時

初夏香山雜詠

御園自是湖光好山色還須讓靜宜乍別林扉剛半載  
初來恰值小年時

山容經雨鬢初沐松吹因風籟益清更喜烟雲無定態



半川陰靄半川晴

苔磴花茵坐憩諸層巒劉覽會心餘拈毫無暇搜奇句  
却恐山靈笑懶疎

逕曲陰濃藏岨嶕不見人行駐人語林樾乍似咫尺間  
行來又復遲爾許

步入仙巖藥草芬鐘聲時隔碧峰聞茶烟一縷纔升鼎  
冉冉鋪空便作雲

清和林谷靜無塵迴憶憂欣底是真絕塞銷兵春雨足

得教巖館暫怡神

金蓮花

金蓮花生於五臺初不知何名

皇祖賜之名而植之避暑山莊茲香山亦種之是卉宜  
於山故繁滋特茂焉偶臨山館恰值敷榮輒以命  
篇

林齋治圃種金蓮的的舒英映日鮮擬合送歸學士院  
不然宜傍老僧禪誰雕琥珀為趺夢最厭胭脂鬪麗妍

設使因風落天半維摩室應繞床前

碧雲寺

幾年吟望處此日總遊時檀捨非希福林巒好訪奇  
霞涵掩映玉筍遠參差返駕山園近清宵靜更宜

雨

朝烟纔泮暮雲濃陣雨旋過傍檻峰玉乳淙淙鳴細竇  
芝英淦淦沐幽茸梳翎閒看松邊鶴送響時聞院外鐘  
返照一天晴更好萬山爭濯紫芙蓉

雨後

雨後來仙館溪聲亂澗繁清芬生蕙芷靜趣在琴尊契  
道無多意吟詩那易言芸編紛插架取便一抽翻

玉華岫

香山佳景二十八玉華岫占秀且奇側峯橫嶺盡來會  
朝霏曠靄常相宜石磴曲折綠陰密坦處茸宇鄰招提  
皋塗精舍更幽絕窓納萬景憑陵之我駐香山無不到  
到必一為留新題即今石壁所勒字頗有莓蘚蒙茸而

題靜室

到逢三伏猶無暑況是清和雨後來半晌不妨聊止息  
一心何處惹塵埃

松籟蘿烟淨有餘好從雲外卜山居仙人石室芝英長  
不解求仙莫浪鋤

遊香界寺諸勝

問景當初夏遊山趁曉涼無多攀石磴乍已出雲匡捷  
徑欣初得臨高俯下方萬緣叅輻輳一念靜商量

前歲  
出靜

宜園前門歷法海表忠諸寺取道杏樹口轉而北始至聖感惜其傾頽捨金脩葺因易名曰香界今因山園清暇減騎登園內高峯出西北門遂沿橫嶺而南雖歷少險而既得其居高臨下之勢過險即夷直徑無比較前歷紆途蓋省十之四五大學士忠勇公傳恒隨行因憶其在軍營欲據中峯而下者意正同且為學為政之方均有類此者故並記之

靈洞孤雲頂

寶珠洞在香界之上

天龍護佛龕濕嵐常醞雨夏草

正霏飜暫據一窓迴平臨萬景亟却從蘿棧下香界在

其南

香界開香積伊蒲我未能

是日傳膳於此雖八珍有戒而伊蒲素膳實所未習故戲

及傳餐休衛士諷唳厭山僧谿壑堪尋樂松篁可作朋  
寶珠欣得概樓戶不重凭

歸騎盤崎路挈壺始報辰前番頻所歷一霎頓為新

自香

界而下仍由杏樹口故道而返香山視事是日吏部帶領引見世事全無定人情底是  
真便開勤政宸吉士細搜論

自香山取道玉泉傳膳視事畢遂刺舟由西海至

暢春園問

安歸圓明園雨後澄霽軒齋靜敞喜麥禾之兆豐值筆

墨之含潤欣然拈韻斐爾成篇

山園雨霽曉輕寒  
詰曲蘭蹊露色溥  
便到玉泉因視政  
喜看瑞麥為加餐  
一舟蘋沼思為楫  
三日

萱階切問

安

香山駐蹕三日

過午幾閒臨後苑  
研香甌淨適澄觀

古銅鑑歌

軒轅液金作神物  
德合天地明日月  
陰陽精氣此蘊鬱  
萬八千春豈湮沒  
丁甲護持魑魅祓  
中圓光外綠雲蔚



如星重輪麗天闕四靈五嶽卒難核漢唐俗製氣早奪  
其祥應不讓屈軼以燭賢奸洞心骨

雨

前朝好雨剛新霽有泔萋萋優渥繼近畿今歲勝常年  
額手休和感

天賜保陽一帶麥亦佳邇聞頗有待雨意陣雲頃望迤  
南濃滿蘄霖霖公田被餅餌千家庶可期黍高稻下蘇  
新翠靜對濛濛縱慰欣卜度彼地增憂思一夫不獲時

予幸數郡民瘼夫豈啻

漢玉秋蟬有雕檀木為蕉葉以承之者却爾觸興

率成是詩

誰製玉為蟬誰刻木為葉玉人與木工本兩不相涉二物偶付託詎是精神接新蛸鳴綠陰視此孰莊蝶

雨後

雨後園林爽氣生凌晨視政接公卿

是日御門理事

勅幾聊復

餘清暇適興仍兼值快晴乍喜蒲榴迎午放更靳禾黍

遂西成香山送得盈窓翠濯濯烟鬟樹杪橫

孟夏下浣之七日

皇太后賜膳於

暢春園之集鳳軒是地近大西門去歲習射於此發  
矢二十中十九因用齊召南韻成詩四首勒於

壁間茲以侍

膳視事之暇陳馬技以娛

慈顏親發十矢復中九且破其的者三焉

聖母豫悅仙苑增春輒疊舊韻以誌歲月

萱齡長此祝如山鏡面軒齋圖畫間樂對清陰蒲節近  
欣陪

色笑鳳樓閒勸餐敬進仙厨膳視事旋催朝士班馬技  
更陳新雨後遥峯澄景黛蛾彎

封事籌裁懼弗當無私兢業奉

元黃蒐材常冀空羣駿較武均期中葉楊每切祈年咨穡  
務豈惟問景賞烟光賢臣集事窮番服烽息今休戍白狼

去歲金川用兵故有金川況未靖天狼之句今大學士忠勇公傳恒平定金川奏凱還朝復值時雨常霑稍解朕憂矣

心殷

愛日奉維嵩涼室溫閨地不同

集鳳軒亦新脩飾以奉夏清之所

喜向

座前親捧爵更看樓外競彎弓高岡姜養將儀鳳閒館  
蛸蛸陋射熊

家法儀型巍蕩近此勤民政亮

天工

宰地楊絲拂玉鞭蘭舟遙待葦洲前試調馴馬雲中錦

便泛澄波鏡裏天  
疊賦新詩酬勝會  
喜緣甘雨遍公田  
惕乾未敢忘初志  
多故猶然憶去年

僧懷素自叙真蹟卷

自叙曾聞世有三  
丹陽里巷艷叢談  
張顛元奘多傾服  
草聖禪機青出藍

雲中龍爪不模糊  
妙法曾經悟擔夫  
豪宕精神枯淡志  
恍看李氏醉僧圖

聞保定得雨

遠自滇南近京畿春收都報今年好齊魯災餘麥為秋  
蜀秦兵後穀惟寶雨晴幸得皆應時額手為民感大造  
獨有保陽四五郡昨聞望雨心如禱封事傳來快一披  
盈犁頓覺蘇枯槁二麥原能過半穫大田生意芄青杪  
休和洊至豈德馨凜乎敬奉持盈道

復雨

乍熱纔三日為霖復一犁麥收誠已定禾長又將齊林  
壑景堪賞蒲榴節好題洗兵和衆庶靜驗識端倪

夜雨感舊

暮雨纔收夜雨隨  
忻餘翻覺助清悲  
天中節近麥秋好  
合是常年共賞時

五月朔日奉

皇太后御園宴賞之作

綬席蒲觴荅令辰  
天中景物一番新  
雨餘山色深於黛  
風定波光正可人  
麥已到秋撲隴亞  
榴初明火步檐巡  
歡顏



上食還增感前歲今朝事未倫

蕉窓夜雨

優渥公田遍雨晴皆適宜  
綠蕉生響處隔戶試聽之  
點覺踈還密葉應起復垂  
絕勝前歲况頻恐未霑時

夏杲松泉竹石圖

虬枝謾天籟鳳影寫秋泉  
始靜宜清聽既深悅定禪

覺生寺少坐即事

曉烟濃未泮夜雨勢正留  
肩輿尋郭途麥禾競油油  
精

藍屬路便傳餐少憩休竹柏深成林野芬以幽徘徊  
十笏地去歲景如流今昔豈異矣久暫寧忘不瀝淚向  
靜安萬慮吁紛掇

靜安莊酌酒

日遠何堪已閱期惟因路便一臨之蒲樽三奠悲無那  
又是天中節屆時

夏日齋居

方澤將臨祀清蹕返法宮齋居用蠲潔漏永南薰風春

夏雨早霑麥禾可冀豐迥憶數年來厚幸鮮或逢平秩  
欣南訛益切乾乾衷

午日

午日值虔齋風光亦足佳蒲樽屏弗舉艾虎例猶排  
馥盆中蔥成陰戶外槐對時茂長養不息悟根茲

夏至

北郊敬成

致育基貞固

直方配

大圓詣

壇疎去歲

去歲事遣王恭代行禮

北郊以有

喜雨值今年

往歲春夏之交無不

望雨夏至前後霑足即為厚幸今歲自春初至今雨暘應時實所罕觀云

質曉趨壇陞

明禋潔豆籩休和惟幸遇圖永勵勤乾

北郊禮成詣

暢春園問

安道中即目三首

澤壇歲事迴仙苑小仗黃麾御陌排

凡祭祀皆用大駕鹵簿茲因祭罷路

便即迴御園故  
命用騎駕鹵簿

三日玉階疎問

寢先咨溫清謁

思齋

菜畦黍隴接村籬雨足郊原事事宜官柳毵髭晨露潤  
綠陰濃處翠華移

高槐初聽試聲蟬餅餌香風颺曉烟一例輕輿憑眺處  
題詩也覺勝常年

夏日香山

幽僻林泉近可尋，幾間便與一登臨。  
詩裁每到隨時異，山色不期共夏深。  
日午松梢團覆蓋，雨餘澗底亂鳴琴。  
邇來略得消煩慮，愛向仙區悟道心。

熱

寒暑皆天運，惟其時則宜。  
麥秋梅雨候，羲輪迴馭遲。  
數日氣鬱蒸，祝融職其司。  
乘涼古柏陰，俯泚流泉涯。  
觸石生靈雲，拂樹動輕颺。  
夜雨復將零，颯爽明朝披。

山行遇雨之作

夜雨纔收曉雨霏因風拂面一絲絲忽然急點催如注  
松塢雲莊信步歸

別山常見生雲靄比入山中不見雲始悟山遊雲是伴  
雲山共我倩誰分

瀑聲猶是宵來響山色都因雨後佳最喜盈眸堆濕潤  
不教纖翳惹澄懷

香山聽唐侃彈琴

經年唐侃琴音寂好是山深過雨初欲借散懷先屬付  
撫絃切莫奏關雎

爽

一雨如期盡滌炎山中颯爽十分添花香鳥語無邊樂  
近景遐觀取次拈細霧常霏雙足底輕雲猶戀半峯尖  
雄風披處心誠快已見千村足碾飣

玉乳泉

一泓堪作鏡幾曲忽鳴琴象與體無涉名非實可尋若



為相假借藉以入哦吟竭爾歸澄觀

去聲

悠然徹遠心

山泉經雨壯石罅噴珠花便拾松燃火因指甌瀾茶底  
須開北戶雅稱讀南華移得篋簾綠垂枝幾个斜

題王羲之遊目帖真跡

真是古光片羽宛然入木七分瀟灑三希畫永別逢晉  
右將軍

汶嶺峨眉好在蘭亭樂毅荆名怪底龍跳筆法鼻祖白  
雲先生

題平安月鏡居

以竹為舫既輕且樸故錫之名而題以詩

裁就平安竹裝成月鏡居  
卧遊常泛泛興寄自如如湘浦

畫非幻黃岡記

用黃州竹樓事

亦虛一般君子號在水友芙蓉

泛月

雨淨天光雲斂空御湖初遞  
芰荷風琉璃世界虛明景  
只擬銀河路可通

扁舟又泛今宵月一夢還思舊歲人  
正待尋歡期適興  
無端即景更傷神

題董邦達山水幅

不經意想饒神契盡得風流遠俗緣  
濕潤重重山蔚秀  
濃青靄靄樹生烟  
構將野閣堪憑檻  
匯得平湖合放船  
興到題詩乍迴憶  
小成離別動經年

玉泉

玉泉清徹底  
行潦無纖鱗  
取譬有所思  
含垢能容人

月

入波曾不濕  
當夏也教涼  
無改千年度  
依然今夕光  
筠

簞踈弄影荷芰靜生香一節猶微欠良宵未肯長

黑龍潭

趁爽事山遊靈潭近廿里蘭衢露氣濃夾路黍田美麥  
秋已登場村墅堆如坻相聞雞犬聲勃見炊烟起歡餘  
看不足緩轡行迤邐仙宮標層巔如吐青蓮葉拾級登  
巉巖廟貌虔鞠肫非祈亦非謝邀貺誠多矣際和敢忘  
惠加敬庶綏祉小憩默以思絜矩為政理

御製詩二集卷九

欽定四庫全書

御製詩二集卷十

古今體一百五首

己巳三

城子山

一朶紫芙蓉琳宮竄上重自遙先罨畫未到已聞鐘玉

宇常經想

每至大覺寺輒望見今始到山一遊

丹梯試一從迥然出雲霧

真足豁心胸香界夏中靜翠峰雨後濃

瑤題懸寶構

是處有皇祖賜匾額

雲日仰

堯容

勝果寺

大覺舊名刹勝果具別室為境既僻幽構宇亦古質  
禪侶結夏宜萬慮歸靜一每從遙望得棲遲偶茲日始披  
翠雨入忽凌白雲出三間草堂閒坐以點吟筆

大覺寺雜詠

靈湫羣峰頂精藍萬樹間坐彼方丈幽趣此一日間  
披畫叅生動開襟坐霄漢閣黎多解路底用咨公案

據榻吟梵天憑軒眄林墅片雲挽不住飛空迷處所  
展屏垂雪瀑開窓對煙林石罅淙淙響千秋直到今  
榛枿蔚翠霧松篁吟好風萬景自天全興會殊不同

螢

每自不禁愁螢光又見流漫云能燭夜底事更催秋背  
月偷熒耀因風託去留昨年已感觸今夕憶從頭

夏日舍經堂

高軒能却暑邃室亦生涼味道研精義隨時愛景光

選用

句苑禽鳴處樂砌卉吐來芳石鼎閒常煮瑤琴靜不張  
詩吟西蜀杜鰲畫輞川王差喜娛清暇還慙致治康

董邦達雲山圖

畫家氣韻造絕詣邦達氣韻乃餘事細皴粗抹無不佳  
不期其法神其意承命為此雲山圖雲如欲雨山如醉  
奇峰詭巖凡幾重密葉枯枝以萬計謂宜凹處置人家  
果見精藍倚蔥翠溟濛涵鬱有餘潤空白浮青各殊致  
張鵬只慮天龍窺奪造化工彼所忌



平湖雨渡

盡驅驟暑送微寒  
荷芰香中盪木蘭  
恰到湖心飛急點  
陣雲來自玉峰端

未逾十日又符期  
恰接前番徹底滋  
今歲田功加倍好  
持盈益勵奉無私

煙絲斜拂布帆風  
上下琉璃鏡影中  
蟬咽蝸盤花遞馥  
當前樂趣物情同

池亭

雨後池亭五月涼  
虛窻四啟眇蒼茫  
風荷亂瀉珠光滑  
夏筍新齊玉版香  
何處仙家覓蓬閭  
此間逸興寄瀟湘  
毵毵白鷺真閒客  
雲水鄉中自在翔

今年各省督撫奏報  
麥秋皆屬豐收而雨暘時若  
大田又復可望缺雨及被雹者  
合計不及十餘  
州縣欣慰之餘并示近臣

祈年靡始終致治何難  
易幸獲遇屢豐天下遂無事  
屢豐遇實難所以先憂思  
憂思日相尋歲條臨十四  
今歲

麥秋好近遠皆一致雨暘復以時額慶叨

天賜但慮西成遙願奢鮮能遂即使大有書詎宜矜滿  
志餘三匪易言調六無別計惟此兢業懷敬告諸有位

松陰

茸茸細草縟松陰松下行吟暢遠襟施樹凌霄花自落  
綠雲為地布黃金

題張若澄翠嶂觀泉圖

翠色屏垂玉色紳平湖滙處石磷磷盤山記得天成寺

曾作圖中對瀑人

漢玉斧珮歌

我聞仙人採藥煉丹砂騎二茅龍凌紫霞凌紫霞乃有  
金芝燦燦茁玉芽人間凡鐵劍不得持此玉斧採以歸  
其家仙人成仙登鸞車遺却玉斧埋塵沙邇來四萬八  
千歲又閱人間之歲華葆光染纈雲靈文隱苒葩水碧  
餘潤不可黷仙人迴顧空咨嗟

夏日侍

皇太后御園賞荷之作

水晶宮殿靜無塵  
綺席冰厨擇勝頻  
喜值麥秋登上稔  
得陪荷夏賞芳辰  
香因風細常清遠  
色帶雨鮮恰淨真  
漫道西池桃實好  
豈堪

王母笑稱春

飼魚

坐石俯澄波  
遊鱗生趣多  
識人先已待  
得飼樂無過  
詎是曝腮鯉  
堪方聽講鶯  
竿絲權且置  
非欲效詹何

池上居

構宇俯銀塘淙琴入聽長綠雲高樹合清露早蘭芳問  
景真宜夏迎風好納涼芸編紛插架鑑古一披詳

適值晝長暇仍來池上居徘徊驗今昔躑躅惜居諸雨  
現潛泥蚓波恬在淦魚萬緣皆道趣妙契靜觀餘

蟬

枝上蟬聲作復停年來聽處不堪聽夏中饒有蕭秋意  
水閣微風冷畫屏

蜀道難用李白韻

向讀李太白詩意蜀道為人間絕險境比年用兵  
金川則其地倍險迴視劍閣天梯胥坦途矣予於  
大學士忠勇公傳恒章奏中畧悉其槩凱還宴見  
命為聚米縷陳恍如親歷輒用白韻誌之令白覩  
此當爽然於蜀道之難若固未始見云

我聞李白所云噫吁戲危乎高哉蜀道之難難於上青  
天昔實謂信矣今乃知不然想其酒家眠起神來候狂

歌落紙如雲烟一時遣興並寓意幾曾歷險親履巉巖  
巔我之所云則在錦城以西桃關外納窪天赦相延連  
語言之所不通人跡之所罕到于是處也則有印籠以  
居糲粃以食之金川夜郎自大海隣部相與詆訕為攀  
援逍遙河上等遊盤使我師老棲荒巖告功不時烽未  
息宵衣旰食增愁歎予哀征夫命相釐使我戍卒及早  
還度晉越秦未彌月劍閣亦復衝霜攀拾級宵磴幽飲  
馬冰澌間此時頗有秦章到謂棧道險祇不過如塞上



山蜀道非難豈真難於上青天太白聽此想應笑破顏  
番窟冰途寬不徑尺下臨千仞澗上倚凌雲壁以繩繫  
馬馬驚虓伏波硠礚殷其雷設非士卒同辛苦安能成  
功迅速歸來哉碉樓失其崔嵬巴郎刮耳夜戶開昔聞  
格豚魚今見服狼豺休運儲胥安避虎蛇孽爾雞豚藝  
爾桑麻却履劍閣如平地凱歌士卒咸歸家蜀道非難  
豈真難於上青天迴思籌邊去歲不禁西望猶咨嗟

夏日香山

林扉來閱小年長佳景天成草木香  
伏裏雨過還帶潤  
山中風至便含涼  
清泉石上如斯逝  
白鶴松間自在翔  
底事豫遊多喜意  
每每多稼勃生良

臯塗精舍

迴榭一憑之  
山深夏靜時  
陰晴無定態  
邱壑發清思  
蝶翅霑花馥  
蟬聲出柳遲  
谷神如有約  
今日又徵詩

靜室

好山無暑避靜室  
得心安鏗爾筠簟  
簞簞颯然衣袂寒  
地

高遊目遠雲歛騁懷寬指點前題處烟蘿翠欲圍  
結宇只三楹千峰四座迎巖松真古貌山鳥不凡聲晉  
帖臨窓榻吳茶就澗烹萬幾欣少暇偶此寄崇情

溪亭對雨

午熱微嫌劇溪雲送雨過涼暄隨以異暘雨信稱和村  
隴豐登麥公田勃長禾慰餘還自問勤政應如何  
倚檻眇平湖蒼茫乍有無真奇許氏句巧幻米家圖烹  
茗供清興敲詩課靜娛傾盆剛少間古樹尚垂珠

爽氣逼溪亭澄觀合香冥瀑泉渾助壯荷菱似添馨坐  
可消塵壒誰能擬色形須臾雲脚斂淨展遠山青

董邦達仿郭熙山水

帶雲低黯幕滄池一陣涼風萬縷絲弄棹伊人渾似我  
昨來雨渡御湖時

鄒一桂牡丹蘭花折枝

國香自合獨稱蘭國色還須讓牡丹偶爾寫生涵至理  
世間兩美合應難

賦得既雨晴亦佳得佳字課果親王及諸皇子

落照輝西嶺新晴景色佳  
龍文湔綠竹蟬韻亮高槐  
水足新秧插時和勝賞排  
寧宜耽物玩聊復課書齋  
銷暑幾方暇祈年願畧諧  
西成期尚遠敢懈劬農懷

石鼓歌

石鼓之數符天干千秋法  
物世已少况乎辟雍所羅  
列多士藉以資探討韓蘇  
傑作遙唱和近者德潛詩  
亦好濡筆將吟復屢停蛇  
足今添笑絕倒昌黎建議  
雖不行

至竟如言見誠蚤東坡寓意良獨深新法當時實滋擾  
德潛力欲追二公橫盤硬語抒文滌或文或宣辨已紛  
德德灸灸終莫攷不獨議禮如聚訟千古訾黃率茲道  
我命金石譜以來觀之叅半不能曉四馬六轡縱彷彿  
雲中如辨飛龍爪點畫音訓費推尋刻舟求劍識誠小  
憶昨幸魯入宮牆禮器惟見貽金匚此鼓上欲埒鼎彝  
存羊愛禮洵可表大觀金填誌鄭重金人輦至燕京肇  
韓意其然豈其然吾願興賢得真寶

晚晴

雨來不辨遙山色  
雨過猶聽近瀑聲  
盡滌炎囂生颯爽  
夕陽返照一川明

目送徂雲蟠蜺東  
蔚藍天色淨  
高空生衣披  
處池亭敞  
消受荷花面面風

移得新篁翠影翻  
便教快雨潤  
龍孫田功消息  
今年好  
餘事怡情畧可論

繁英

繁英得雨滋  
姆嫗更紛披  
錦繡侵階齒  
罍瓶置井眉  
春園全不讓  
秋意已先知  
微露含風態  
黃筌畫裏枝

爽

今年從未愁  
雨少亦復不愁  
雨畧多昨來  
微覺炎熱劇  
陣雲快與傾  
天河宿霖既  
止烟淨捲風  
從西北吹來  
嘉叶颯然朝  
爽報秋意宜  
暄宜潤占農  
和西山翠黛  
逼襟袖北村  
香氣聞黍禾  
慰極翻虞心  
易弛勤調六  
幕揚九歌擬  
元白詩二首  
並用其韻



元拾遺微之

種竹

堂下有竹埭尚缺五六竿却嫌少清聽豈慮礙遠看趣  
此膏雨足兼之暑未殘移來青山曲隨見綠陰團斜拂  
凌雲松低臨溘露蘭汀蘆與池葦欲效良云難不肯栽  
為簫空期鳳下壇不肯持作釣富春江上寒顛學藍田  
上種出千琅玕勁節從此申生機實未闌

白少傅居易

山中問月

人生有離別惟月不相離問爾山中月照山經幾時我

自愛山清復不嫌月遲一宵縱不眠我心山月知三萬  
六千場從茲與月期除却陰與晦昏曉必相隨

雨中西直門外

高下新秧翠剡齊更教快雨渥塍隄玉駘蹀躞無須策  
烟景徐行入望迷

菜畦瓜架鬱青蔥宿霧纔開曉雨重強半西成消息好  
夾途景象得希逢

農事無勞農父談年來較量此中諳謂霑好雨宜晴矣

雲捲遙天早蔚藍

承光殿

詰旦還清禁  
明晨將視朝  
路岐臨傑構  
座裏眄重霄  
雲散天容暢  
雨霑暑氣消  
到茲憂慰屢  
松檜自森喬

董邦達松風水月圖

風自涼經松越峭月原明印水逾清  
高人無事船頭坐  
非慕烟波釣叟名

張若澄秋嶺橫雲小幅

參得王蒙皴法寫將杜甫詩情秋色一窓靜對足忘人  
世浮名

晴

黍稷霑優渥風光奏曉晴氣清繁暑滌雲散遠天明花

馥侵瑤砌槐陰護繡楹三希披寶帖

三希堂在養心殿內貯快雪中秋伯

遠三帖宮中清暇時一披閱

快雪有同情

季夏視朝

詰旦奎中夜易闌罍恩曙色上金鑾宮懸樂應林鍾律

舊制凡御殿奏樂皆用黃鐘為宮朕定以三大節用黃鐘其常月視朝用旋相為宮之法六月即用林鐘為宮始無啞鐘之誚云 拜舞班齊九品官何必舍人稱絕倡所希多

士副其難漫言例事鴻臚掌拱手垂衣敢自安

### 題萬壽寺方丈

鳳城西轉過高梁水路晨清一泛航愛此蕭閒十笏地  
不殊消受北窓涼閣黎試問心安未高士徒稱筌可忘  
小憩便教搖櫓去川雲迴望極蒼茫

### 日影

間日陰霖快霽新乍看烏影入檐巡思量歲月何曾住  
檢校光陰訝許頻砌下閒花紛鬪色池邊細草淨無塵  
却從清暇偏忙慣詩債償還也患貧

夜漸長添幾線時挈壺休問漏聲遲每逢佳處聊為畫  
於少閒時亦著棋鶴夢安依無恙石蟬聲亮在竄高枝  
景光自合隨緣賞即目閒庭影又移

題畫禪室

泠然池上居亦名畫禪室墨妙收香光仍於室中秘

叶

春光乃達者兩字誠高出嘉名夙所耽隨地頗一律宮  
闌及香山所在皆安吉愛茲池上佳足探園中密携來  
數種珍斐几排甲乙名畫集大觀雪溪古無匹山居子  
久圖蘭亭永興筆貫道及友仁真蹟各存一研精因得  
趣景清神自謐雨時秋可卜煩暑靜如逸萬幾值清暇  
遂以消永日

鸚鵡

儘有民間疾苦事語禽何不一傳言怪底不離飛鳥類

長年孤負稻梁恩

泛月

晚風煩暑淨魄夕絮雲徂即漸遲宮漏聊因泛御湖印  
波光上下隔岸景虛無一例蓬牕眺番番興會殊

聞蛩

六月初八日

悲秋人警秋蛩韻偏先去聲傍人入耳聞露草烟花今古

夕底知憂喜觸情紛

董邦達秋山晚霽圖



絳雲初斂樹猶濃正是新秋晚霽容  
石屋松林阿那畔  
招呼應有道人逢

喜晴

暑雨既頻霑快晴亦云可  
邇日頗鬱蒸赤帝令行火不  
雨奚滌炎雨足虞或過叶  
二麥早豐收嘉生無不夥  
西成正可望更冀惟時若叶  
夜霖縱未甚展轉愁無那  
患失豈獨人憂農竄切我

時雨令人喜時晴令人快  
風從西北來驅雲遠天外翠

藍蔚高空廓落琉璃界  
蟬聲亮高樹瀑響紛衆派  
農夫相與慶行旅  
未為害兩美既得兼  
萬興於焉會  
拈毫披爽涼松篁遞幽籟

泛月

西嶺橫霞放晚晴  
水天上下相去聲含清  
玉輪又值將盈夕  
高暎蘭舟得意明

湖心無藉樹朦朧  
烟察秋毫萬里空  
蛩語數聲風露下  
向來憂樂兩忘中

波潏淪漪魄影流  
聊因載月試清遊  
寥蕭風景今宵覺  
應是姮娥急報秋

黃鶴樓歌題鄒一桂畫

黃鶴樓高古名蹟  
一桂慘淡圖成之  
漢陽樹影連空翠  
鸚鵡芳草仍離披  
自言奉使偶經過  
追摹烟景曾無遺  
我雖未登快騁望  
楚江坐對奚然疑  
即今一桂亦如我  
向所俯仰徒存思

萬泉莊

常借青山作屏障  
饒疏綠水護田疇  
愛看黍稷將稻下  
閒探東雉更西勾

快雨都欣三日晴  
水邊田畔意為行  
綠雲滿野遮前騎  
又見新鶩已怒生

欲暢清流覓水源  
濫觴屈曲度溪村  
當年聞說丹稜汧  
舊蹟誰將日下論

夏日玉泉山

路岐來往雖經屢

每日香山還御園率臨玉泉山傳膳視事茲特來玉泉而未至香山云

未探深幽向二年特地清遊當夏霽山靈為我捲朝烟  
趵突靈泉經雨壯翠巖濃樾浥塵消俯臨鏡水心中澈  
仰接天花雲外飄

蘿徑因幽偏得趣雲峰含潤獨超羣清音齋靜思烹茗  
便掇松枝石鼎焚

水郭烟村入畫圖觀農滿意暢吟觚舊踪漫問芙蓉殿  
菌址苔基半有無

心遠閣

高閣據半嶺實擅茲山妙雖較栖月低

栖月唯在香山半嶺已下視玉

泉之頂云

亦可騁遐眺我久未遊覽重來似初到雲標俯綠

町樹杪流丹照新晴暢清襟衆籟含幽調可悟維摩詩  
似聞蘇門嘯近遠詎繁境會心須識要

羅漢洞勒壁

嵌崖雲霧上朱夏同深秋天半無仙泉何來玉乳流空  
洞含灝氣瑞露湛湛浮萬緣於以靜六欲安能投底須  
制毒龍可以參泥牛新題續舊章歷歷記清遊

曉六月十九日

曉色侵羅幌初晴景色和軒墀饒潤秀書史足吟哦竹  
裏風蕪花間露漸多疇咨勤問政何以秩南訛

向浦朝烟泮披襟颯籟流景光將餞夏林岫已迎秋悟  
物思遐託得心非外求西成消息好略可慰先憂

戲咏貧

不苦貧於學學富徒勞已豈苦貧於財不言無與有

叶

伊余亦患貧貧於得吉士蒐羅勝辜權惟患不足耳大

選詎可廢旁求出無已或則諉不知曠官豈其理此貧  
鵲豈醫其難堯伊始

晚晴落照

急雨驅殢雲晚晴輝落照入波翻畫樓掛樹明烟嶠助  
之西北風寥寥鳴萬竅遲日方立秋氣機已先到鳴蟬  
惜景光嘒嘒枝頭噪

讀杜詩

天地間自有元聲於詩得者惟杜陵一生出處可概見



千古詩史真定評水亭荷淨無暑到試展讀之當快晴  
尋聲攷格不可得如風過水文自成我思古人獲我心  
挹之不竭意氣平泮度汪洋亦如此時月不見鄙吝生

曉過青龍橋

朝爽拂人多虹橋枕玉河向山行熟路遍野看嘉禾高  
下全滋茂雨暘時協和老農驚未見我意喜如何

季夏香山

松塢築雲莊乘閒賞景光天容看欲淡風意已含涼過

雨泉滋壯迎秋草尚芳觸緣觀物變底覺是真常

零露湛常流停雲薄旋收水山觀動靜魚鳥適飛浮盡  
意真堪會人心已向秋萬幾纔少暇詩思又紛投

爽

入山已無暑先秋更逢爽閒雲何處徂遙天茲益朗披  
籟似聞笙覺涼欲添氤縱目寥廓表寄情碧落上

碧雲寺

招提數武接山園爽籟迎秋嘉樾繁山鳥不鳴長日靜

泠泠惟聽瀑泉喧

松間路轉山亭古  
嶺外窓臨繡壤豐  
遊目騁懷差可慰  
黃雲將次熟西風

每將少許勝多許  
待欲言奇轉復奇  
移石動雲能變幻  
銜峰返照故參差

地近峽峰先落日  
風來深谷峭生涼  
秋情野寺增蕭颯  
暮色平川入莽蒼

香山曉景

一夜枕上涼飽眠亦清醒烟霄留曉月曙色橫西嶺寺  
鐘續遠聲岫柏弄餘影露蛩不肯歇風蟬方欲逞素心  
悅淡泊勝託值虛靜偏是悲秋人秋光乃先領試看碧  
寥天漸入寒空境

臯塗精舍作

精廬虛朗蔭高槐嵐翠迎人足散懷雲卧天闕無不可  
風清月白致多佳楹間寫霧波濤幻松下流泉琴筑諧  
是地怡神堪久託初心勤政懼微乖

立秋

斜照半川橫  
梧飄一葉輕  
霽光添慘淡  
秋信太分明  
潦水行將澈  
寒蟬亦已鳴  
甫田消息好  
額手待西成

急雨催殘暑  
微風遞暮寒  
農談欣有慶

農政全書云立秋小雨吉又農

諺云立秋日小雨即晴主無秋霖之患是日小雨即晴甚協農占云

往事感無端  
寥廓澄

虛宇威紆露  
遠巒安排閒  
筆硯準擬詠金官

景光傳白藏  
徙倚向銀塘  
拂竹風全爽  
浮荷露漸涼  
閒情牽素月  
穡事協時暘  
底藉占風奏  
田功報吉祥

秋英

立秋纔幾日秋英已繁然紛敷不計名丁星渾欲仙金  
掌擎羯露玉妃霏琅烟豈論昨夜開且爭今日妍花底  
蛩聲急似怨時將遷蛩兮爾不知此景自年年

討源書屋新秋

露湛風蕭玉宇清今年秋信太分明坐來恰喜書齋曉  
目極高空靜六情

書屋軒窓足靜幽四時皆好宜宜秋疇咨已罷餘清興

宋玉佳詞在案頭

秋日澹懷堂

玉宇暢霽光松軒俯閭井山水既清佳結構更寬整  
土階每覺慚繡柱無須逞神心適可達紛營於以屏斐然  
翰墨香謚爾希夷境豈惟容膝安寄懷斯良永

歐雀聲

苗秀已將實歐雀聲聒耳今年晴雨時結穗均纍纍雀  
利亦何妨而人猶惜此清晨至夜闌譁謹殊未已因之

識農艱屢豐勞倍徙是雖疾厲音中有無邊喜

早桂

離離初見綴枝黃便覺西風滿院香每惜流光如駛疾  
又欣節物先去聲秋芳摘供佛鉢宜清淨底向風旂悟幻  
常月夕那堪思往度塞遊兼擬道神傷

將命駕塞上行園臨靜安莊酌酒

人情歎鮮恒時運有興歇日遠豈期然偶來愴心窟三  
杯未此酌兩月過已忽那堪值凜秋行秋駕將發前歲



景目前變故一何卒別恨賦難窮獨宿塞山月

郭外

郭外雲容綠欲黃  
高秋露氣接烟光  
三時憂喜心差慰  
萬姓饑寒願稍償

乍聽千村銅雀鳴  
更欣十日奏新晴  
即今已識西成好  
墟市都稱米價平

禁中新秋

絳雲澄碧落玉律  
應商風問穠臨幽館  
乘時御法宮網

軒歔氣退金掌露華融乍馥螭階蕙初飄鶴禁桐閒情  
咨翰墨治理溯鴻濛所愧無為化端資大造功

摘蓼堂

文軒構瓊苑仙柏蔭廣宇題額縱自今考蹟亦云古

御花

園內殿宇  
率仍明舊

芸編貯萬卷牙籤分四部

堂內所藏諸書朕  
命以經史子集四

部分

淡泊以怡情節儉斯貽祐揆毫戒麗妍守器懷神


巨界茲力溝洫無間惟稱禹

自高梁橋泛舟至西海即景雜詠

鳳城北轉石橋邊秋水澄泓可放船  
夾岸黍禾含宿雨  
颭波蘆荻拂晴烟

閒置亭臺俯渌波進舟端勝畫中過  
霽空如水清無滓  
著箇西山矗遠螺

溪風無恙布帆涼搖曳輕舟過麥莊  
白露漸多霜尚早  
晚紅猶勒水華香



御製詩二集卷十